

道

聽

錄

道聽錄卷之二

楚源桃沅南李春熙輯 男謙重梓

應城李世熙者壬午魁雅好對偶嘗題邑定慈寺云好
山到處皆為寺佛性從來必定慈又世間好話佛說
盡天下名山僧占多題一醫士門云廊廟有人調國
脉山林饒我壽民生一當道臨校宮瞻兩扁左為孔
門右為義路謂諸生此中須得一聯李應声曰孔門
正直幽茲可入室升堂義路坦平舍是皆傍路曲徑
當道大稱賞

廬山胡公直督學四川遊覽教詩云千盤磴道躡層巔
縹緲還驚碧嶂懸豈有羽翰生白日翻憐車轂上青

天雲深岐路曾迷聖地遠村醪正渴賢此地從來添
素髮頃今生世歆長捐新秋客夜生虛堂院陌庭筠
釀早涼西徼自無鴻鴈到東山已過薜蘿芳銀河影
掛千峰淨碧月光連一水長此夜不禁思萬里吳臺
楚徑共微茫仙人早自好棲居縹緲俄驚百尺餘高
挹群峰當戶出靜看修竹隔林疎書晚映流霞外
樽俎秋臨落月初共道主人心獨遠峨眉東望接匡
廬朝出叢林入洞天捫蘿巡午到岩顛千峰合作蓮
花藏雙水高連玉液泉悟後丹砂俱幻法行遣脩竹
契真詮聞黎不用重番謁小坐崖亭意已傳今之講

學者多作文章語此公之詩則酷有唐風矣

余邑庠諭石渠漳浦人秋試後一鄉達公方伯寄二詩
今存其一云昭代求賢啟網羅兎曹霜足竟蹉跎老
夫那得身常健浪說佳期在後科榆景悵快之情讀
之慘然

王鉞都御史巡遼詩中二聯云世間惟有征夫苦天下
無如遼塞寒鬢為胡笳吹馬雲

余邑侯張湛泉植謂余云常熟沈掌科鍊家居長子位
次子偉皆見時沈公見石砌山上一鹿行出聯云假
山真鹿走位見缸中魚應云死水活魚遊異哉甲子

發解京闈戊辰會魁入館

辰州唐萬陽御史愈賢越中詩云海上雲烟午未開兩
涯金鼓響奔雷棲船半向三山出風雨俄從二粵來
自笑同郎輕水戰誰思燕狩築金臺越裳消息今寥
落常使魚龍夜、哀城陵磯武穆祠云武穆祠堂楚
水涯短牆殘草映疎花奸諛何代無秦相忠孝誰人
似岳家風靜風魚龍吹細浪月明鷗鷺宿平沙遙憐
古墓空山裡萬樹南枝日吹斜余邑伏波祠云千古
英雄絕可憐雲臺何用說蟬聯蒼山古木撐晴日斷
牖殘楹鎖暮烟千里音書嚴畫虎滿天風雨墜飛鳶

而今瓊錄應何在獨立秋壇一惘然初歸詩云蓬萊
仙子玉京回夜披鶴氅臨高臺濁酒三盃明月上浩
歌萬里清風來古今天地八醉夢齊魯江山空草萊
幾度臨風橫玉笛半空吹落教聲梅此公才清而多
商音蓋模擬何大復之過也

彭二州客余邑李伯松從之學詩偶見水中花片蟻在
其上字出句云落花載蟻浮流水彭見蜂過蔓藤上
對云野蔓牽蜂過別枝可謂的對

李西涯懷麓堂詩話中野行迴夜虎林卧起秋蛭若非
迴起二字直常語耳觀此則詩眼之說猶信

以陵借山萬公官二守博學好口占代譔丙戌春欲乞
恩就教同鄉龍巖胡公沮之公吟云君向胡公問品
題教官須是犬為之而今我也寧為犬吠桀從堯未
可知一醫者朱熙陽乃陽明門下士葉以解毒為主
公嘲之云素難靈樞理可詳天和元氣莫輕傷如何
四百四般病盡與黃連解毒湯此詩雖戲語而理道
亦俱晚歸林下自讚其像云爾貌則愚人云宜書既
云宜書何腹空虚爾形則囚人云宜壽既云宜壽胡
病交湊雖然空虚者安知非詳說反約之微而交湊
者亦可為敵國外患之助又能文者氣完有德者體

胖實惟吾子之所難巨富者肉厚大貴者骨秀又非
吾子之所有悅仁義而無怠心誦詩書而不釋口此
則吾子之所能可以語人而無恒心博學善記對客
揮毫妙談亶不倦如此二作連哉馬公諱松

張太岳居正閣老兒時顧東橋試之三子告曰不可公
破云聖人爲國謀大夫爲身謀可以觀世變矣顧大
異之解所束金帶爲解贈之聞破子曰者云匹夫而
爲百世師一言而爲天下法吾楚一童子破學而第
一爲政第二云明德爲本新民爲末皆天然可喜

荊州李荆沙完乙酉鄉舉至郭店有詩云幾年潦倒向

塵埃此日偕君郭店來雲霧接天鄉國迢迢河山入
望區圖開寒侵衣線憐遊子春到絲綸愧楚才共矢
初心酬盛世文星昨夜照三台

馬孟河一龍題西郭草堂西郭草堂一曰白石山房兩
江方君讀書處也在清源郡西前後多白石盆峙山
水襟以松竹花卉共成園景堂五楹三中以間左右
堂之內楹一偃息一游藝房所在即此其堂無他有
也四壁圖書綿繡天地化一布載聖賢心法而已人
或見其中烟雲繚遶金石鏗鏘視怒駿奔龍翔鳳舞
翬輝映几案之上班馬授筌李杜捧律鍾王顏素屏

氣却走是時攜文揮翰發胸中浩一點綴意象真有
芥子乾坤一瞬宇宙之志今古何人得在方君目睫
之下轉霎息机雲扉外扁舟人內函元始反觀萬有
俱化矣世間又何物可以藉余主人正登斯堂哉馬
河龜洛非義禹不奇周鼎商彝唯清廟可入騷人學
士得充文奴以為幸而軒冕珠玉品題不及耳此作
渾無烟火氣而草亦莊整予在都下得其墨本云

岳正以翰林忤時謫戍肅州放歸郭提兵登詩送之云
早從黃閣贊絳綸欲報君恩敢愛身青海四年羈旅
客白頭雙淚倚門親鳴璫又喜趨仙仗補袞還思用

舊臣莫道得歸、便了天涯多少未歸人。顧玄言國雅品謂我朝武臣詩人第一非虛美也

方兩江元煥臨清人詞翰豪宕余遊京師時嘗得其墨本八幅五七言絕各四首云白鹿呦呦去不還千年蘿洞渺蒼烟天開日月存斯道地接風雲護昔賢蓬島仙郎吳季子岷江五月下樓船昨來紫氣浮南斗鹿洞春深草太玄平生最愛李空同載筆曾凌五老峰天邊玉樹明河度石火一瞬文綠蘚封中朝司馬鄭惟誠憤著陰符坐太清忽散瑤華滿廬岳青天夜夜鬼神驚後題云望雲鄭公出守南康欲刻予書匡

阜之上因爲四絕又五言一雨得微涼客子聊相娛
池上有芙蓉肯使花空度一雨得微涼花前發長嘯
瑤琴下指遲明月待相照一席布地坐飢鳥啄行蟻
蝸蜒滿空階篆跡良可喜一席布地坐白雲滿芳草
興闌發長嘯開軒讀黃老

海寧朱靜菴周教諭濟妻竹枝詞云西子湖頭賣酒家
春風搖蕩酒旗斜行人沽酒唱歌去踏碎滿堦山杏
花金陵陳魯南繼室馬題素面使曰剗藤素滑勝輕羅
月樣裁成一片多若使佳人笑遮面分明影裡見姮
娥謝寄鞋云金蓮小瓣墮瑤池想像深閨結繡時無

限巧心勞遠寄露多不忍下堦墀
台州袁貢士妻潘
久雨云久雨堦前鋪鋪綠衣烟迷竹樹影稀微黃鸝
交坐窓前語說盡春愁來往飛較之斷腸集遠矣

寶應鄭先生夫婦倡酬云試從歸來日已西佳人含笑
出香閨近前執手低問南首出朝今出甚題絲
弱柳拂行舟湖上風光屬壯遊此去不須重囑付朱
顏人倚夕陽樓忘其名

江右一士八因牽鄰婦手訟丁有司有司令賦手云曾
向花叢揀俏枝軟于春筍嫩于黃金刀屢試輕裁綃
彤管頰袖淡畫眉双綰秋千扶索處丰掀羅袖打鳩

時鮮窓獨無絲桐美無限春愁下指遲竟以此獲釋
安南使宿南浦駟云南浦橋頭泊扁船伊、啞、櫓聲
連數聲漢笛滄浪裡幾箇人家楊柳邊紅日落殘鉤
掛樹白雲飛盡鏡磨天安南萬里朝天客暫借官房
一宿眠此二作可以缺舌之音目之乎

武陵於玄少文光髮頭陀傳云髮頭陀武陵人喜任俠
已而厭之徙家為桃源農畝田二頃墾穰朝夕晏如
也更喜釣魚踪跡常在青螺白馬之涯罷耕釣即手
念珠焚香結趺跏坐若不修頭陀行而般若自在無
量礙恐怖宛然頭陀而髮也故自號髮頭陀云剃髮

頭陀庵于八湖濱四面種竹語聲不聞于外庵前有池：上蒔蔬三四畦庵中蓄書外惟酒尊客有過髮頭陀者觴酒薦蔬不美多品客非知己亦油：不肯去也顧不免酒癖酒無論得薄不醉不肯止醉後偶及時事嘗慨然太息復自笑曰髮頭陀爾猶未忘世慮耶讚曰武陵之巔虞善卷之所棲桃源之深有秦遺黎頭陀從來武陵桃源間也將與斯人上下而提携也耶雖然貧不忘味隱不忘乎世以謂善卷不能也庶幾聞秦人風而興起者歟又秋興詩云玄極新宮入絳霄龍涎飛霧結瓊瑤月明紫露浮仙掌夜冷

青娥擁鵲橋天機翠華烟漠：陰山玉筍草蒲：彤
雲赤氣隨灰燼禾黍西風漫寂寥野水芙蓉著淺紅
疎簾烟月淨簾櫳十年雲漢雙飛翮萬里江湖一短
蓬逸興自憐非杜甫解嘲誰更似楊雄江鄉民瘼堪
愁絕漫倚西臯醉落楓黃鶴孤雲杳碧虛天涯江漢
更愁予河東真有楊雄賦洛下空傳賈誼書四海風
塵雙涕淚十年林壑已桑榆翩：羽翰秋空裡烟鎖
南陽舊草廬詩歌學扛而過於摹倣竟沉滯以歿悲
夫

午日有邀余過河觀競渡者源楚李公亦有約畱予以

樂府云公無渡河、水之廣場層波下絕、潼汭上淥
羅二龍矯、鱗相磨中流、雙舞陽侯戈馮夷辟易奔
竊竊孤舟獨濟、將奈何吁嗟乎公無渡河語壯而奇
馬孟河詩不經意、而雄壯飄逸、余嘗得其墨本、其首
云風吹竹葉入我房、忽見竹間明月光、山前無路通
車馬、夜半何人過、草堂酒興不減、李太白詩才欲比
陳思王、相送出門、天大曉、白雲蒼樹兩茫茫、又將軍
一戰百蠻空、罷戰誰言萬里功、方脫水兵辭、戛口又
問胡騎入雲中、戍城鼓角霜天動、白翎道旌旗海日
紅、為有孤忠懸北斗、君王召見大明宮、餘詩音調皆

類是使再心矩矱即唐人奚多遜焉

武陵學諭黃金良號凌鶴高郵州人督學顏公試野水
橫舟上元觀燈賜宴二詩前者失記其後首云星毳
錯落五雲中誰信蓬萊有路通柑席承恩千載慶條
風吹暖萬方同賡歌寶篆紫簾碧猷壽宮袍映酒紅
簫鼓拂天人共樂月明應照玉關東

劉福井戊辰赴試謁張太岳張時初陟東閣未出列校
以詩云三載重來白玉墀論文尊酒暫相違治知相
府深如海未許山翁醉似疑泥元老勲華青鬢少故
人交誼白頭稀吹噓騰藉春風力東閣炉烟滿素衣

辛未科六十五始得登第殆詩識哉劉名珠公安人
岳州方勵卷以戶書致仕同鄉二十八人餞於會館公
醉中留一對云聖恩浩蕩放七十五歲老漢拜掃回
家鄉誼綢繆借二十八宿星君殷勤獻酒方公諱
留都舉人某者弘治正德間屢為人取鄉舉如拾芥無
名子亦都人雄資賂某中式時人揭詩通衢云近
來時事甚堪傷鎖院翻為賂賄場公賁多身子賁
公家憲兒長有錢能使鬼推磨都下無學却教人
頂缸寄與番都科共道一封早為奏明堂
黃鶴樓吾楚名勝也丙辰歲回祿一夕為燼武陵少朗

陳子可禹弔之云神仙不愛人間勝樓觀飛灰楚望
孤逝水依然潮岬磧荒臺容易長荻蒲慢將詞賦稽
朝代從此登臨落盡蜀十載舊遊空檢點天涯南望
正愁吾又千年勝槩雄三楚一夕悲風度熨烟明月
空來聞笛鶴斜陽愁絕渡江舡仙人合向蓬壺住客
子應慙眺覽綠懷古莫歌崔老句晴川芳草自芊芊
李源楚和云千載名樓一炬殘天于奇勝亦多慙晴
川芳草登臨處碧檻朱甍想像間呼酒獨憐江月上
題詩猶憶掉歌還荒臺寂寞寒烟合黃鵠山高杳莫
攀樓閣千尋壯楚都飛灰一夕滿江蕪誰從歌舞樽

俎延歌舞無復山川似岳陽孤含悽不為重游惜吳塵寰自可吁一
時傳誦之

張龍澗嘉靖甲午科主考南京中庸乃君子之道本諸
身一節解首鄭維新誠破云聖人所由惟一理則推
之而無不準矣張云我思之屢日不得此破而渠從
寸管中得之殆有神相哉

武宗咏汲婦云汲水上南坂紅裙映碧波雖然不似我
宮娥野花偏艷目村酒醉人多信口小令詞情超逸
聖本生知覩此益信矣

一傳碧波下有我這裡傳下
觀看也那裡今眼偷後接下

然雖

唐舉狀元諭世歌云人生七十古來少先除幼年後除
老中間光景不多時又有炎涼與煩惱中秋過了月
不明清明過了花不好花前月下且高歌急須滿把
金尊倒朝中官多做不盡世上錢多賺不了官大錢
多憂轉深落得自家頭白早請君檢點眼前人一年
一度埋芳草芳草高低新舊墳清明寒食無人掃此
言喚醒碌碌者多矣

嚴介翁嵩夏桂翁言俱江西人同時柄政京師語云夏
桂洲教你休時你不休晴乾不肯去直待雨淋頭嚴

介溪人可欺天不可欺善惡到頭終有報只爭來早
與來遲後二公俱敗果符其言

郭雨山登庸山西長子聞人為楚督學予為所知遷南
少京兆為余書一冊惜又遷宣大總制未竟而行今
錄其存者云安鄉客館用高吾司馬韻二首武陵東
上處孱野半畦行雲斷荒山杳天連遠樹平歸鴉橫
日影寒鴈度江聲係馬孤村署牕懸寶劍明落葉柴
門靜天寒少客行烟橫湘渚碧月上洞庭明踈竹空
亭色殘經遠寺聲漁家歸卧處舟繫正江平秋遠漢
上聊述往事一首寂寞魚龍漢水秋飛帆遙蔽夕陽

樓中宵走馬，狂夫遁清曉。聞鷄戰旗收，斷隴唯餘荒。
草木蕪田猶拾舊戈矛，至今人說旋兵處。殘燒寒雲
白日愁，西風胡馬度。江來江上諸城破，竹開朔地豺
狼何促氣。中原將相豈凡材，青山野渡漁人淚。古道
清秋迺客哀，昨吊潭州李忠節。殘碑遺廟鎖莓苔，秋
日竟陵野亭二首繫馬孤亭下。晴郊坐客幽斷雲，鄢
樹色落日漢江秋。鴈入天光迥，鴉喧霧收。牧兒歸向
晚，猶自唱沙頭。江鄉秋靜處，野色入思長。征旆明斜
日，輕衣納晚涼。晴空高鳥白，幽徑晚雲蒼。行見村家
樂，鷺鷥足稻梁。翁詩字兩莊重，亦昭代人物也。惜未

見全帙耳

張東海汝弼草書冠絕自解縉紳體中出詩亦淺淡膏
見其帙中謝人惠燭云霞城盡燭大如掾遠寄人間
慶壽筵自愧無緣照歌舞夜窓頻剪讀遺篇又題像
寓意云到處丹青馮我神故人相見問何人而今百
十張東海只有元來一箇真蓋當時效其草書多故
云過梅嶺云曉行梅嶺鵲啼草樹芳原路欲迷莫
道哥：行不得馬蹄南北又東西紀夢云夢裡分明
見羽仙烏鬚藥物示真詮未能寡過慚空老那待工
夫學少年八後因假髻詩見忌一麾出守失詩集今

江陵張封君入明別號太虛道人聞寄京詩云別去家鄉又秋秋倚闌父母盼雙眸當年生理惟蓬草長路馳驅共馮牛一介書生叨併問九重天子賴紓

憂殷勤囑付金門客大易藉茅是遠猷噫相君勲業蓋古今而猶以藉茅為戒忠孝啟承誰謂無所本耶日本使者咏西湖云昔年曾見此湖圖不信人間有此湖今日打從湖上過盡工尤自欠工夫二十八字宛轉教摺詎意侏僂歟古吐此語哉

曾于都下鬻畫肆見二喬觀兵書其上題云香肩並倚讀兵書翻略元非中饋屬千古周南風化本晚凉何

不讀閨睢九原有知豈獨二美負媿

豐城甘勲由癸未甲科授予邑令甫三日為悍妻妬寵
爪其面媿縊以死相傳其父云始生時夢人持絲竿
入賀絲上對云四百姚涑榜三日桃源令三日為令
前定已矣而嘉靖紀元姚涑榜增額四百亦不爽此
豈人力所能為哉

霞山蔡潮臨海人督憲吾楚見生儒中有既冠而復壯
入試者公嘲云昔日幾冠已偉然今朝壯角且從權
時人不識予心若將謂偷閑季少年

贅者周子能琴嘗往謁澧州華蒲長子味一贈以詩云

月華星彩映秋光有客携琴過草堂
楚澤黃金逢賀若塞門碧玉遇師襄
懶開青眼看人醉只把瓊洞引
與長曲龍班荆天似水不知松露濕衣裳
清高可人無富貴相

白沙先生簡李斯實詩云風光何處可憐生
共把閑愁向酒傾今日花非前日看
少年人到老來更秦傾武穆憑張浚
蜀取劉璋病孔明千古此冤誰洗得
老天無計挽滄溟後李從宸潯叛此
詩若豫為悲歎者嘗見北礼部堂聯云
赫々春雷際風雲而聯紫陞堂々

南省依日月而直丹宵此夏桂老筆
楚關聯云場列

東西兩道文光堪射斗簾分內外一毫關節不通風
毛東塘筆常德郡堂聯云惟清惟慎惟勤察案盡相成
之美曰庶曰富曰教生民願至治之休方太守筆予
邑堂聯云頭上有青天視聽自民視聽眼前皆赤子
饑寒猶已饑寒刑罰當寬處即寬草木亦上天生命
財用可省者便省秋毫皆百姓脂膏此二作出眉山
鄭公筆也武昌詹氏父子兄登正德己卯科其堂聯
云黃鶴聯飛敢誇父是子青雲德路得果然難弟難
兄新都楊廷和父子兄弟閣老尚書子復中代凡堂
聯云名姓爲書中第三第二第一功勲霄漢上乃祖

乃父乃孫八閭楊以太禮故削爵秩升菴母喪題其
銘旌云國老妻狀元母某氏之柩榮哉

士慎齋大常嘉言東光人乙丑春與予同試事登第入

館讀中秘書戊辰春已超尚寶卿矣同年西垣者傳

其二小詩戲醫士乘驥同鄉祁鶚峰跨鶴相訪云相

銀鞍白馬走皇都贏得名醫到處呼馬後書生跨長

耳兒童錯認鄭昌尚又西賓清瘦愛騎驢華岳仙翁

穩不如自是主人能家客乘肥遠作前驅侍祁王

醫士家故云公後左遷夔府制作日富壬申人日舟

中遲予云中原久已息戎兵人日如何不肯晴豈是

峽江龍起卧翻疑楚岫女鍾情金花欲送憑誰剪相
葉堪嘗恥獨斟稍待謫仙來入社看渠筆落鬼神驚
公嗜杜此故作句意逼似之矣

夢菊郭公隼廣東南海人壬戌甲科往予寓京邸讀其
會試卷雄博罕儼不勝驚伏壬申春翁以儀部出守

潁郡過邑辱惠舟中稿云雲安江上棹相將都歷山

頭春載陽積鐵有峰如躍鳳煉丹何處更飛羊

鐵鳳飛羊

皆山名樓前四望波光碧郭外雙懸峽影長那得與君

攜手去坐臨曲水並飛觴又五言八句南浦停舟日

東川問俗時尔能勤撫字吾欲起瘡痍柳已含新翠

梅猶綻故枝行春莫番滯正及勸農期萬川道中四
絕云飛濤滾落蒼天疊嶂層擁翠烟兩岫啼猿
迎畫舫新詩真憶李青蓮雲安峰頭孤月明雲安江
上晚霞生笛聲近繞青山郭劍氣遙看白帝城浪簇
龜巖水氣腥漁燈點隔江青惱人最是山頭月偏
照山僧夜說經半里方城枕碧山百家茅屋瞰清瀾
使君對此增惆悵豈待猿聲愴客顏天仙橋用韻云
曙日光熒宿霧消靈派來自九天遙一封石燈橫堆
玉萬古晴虹卧作橋急派勢吞蒼峽月清流向心
紫宸朝來遊喜值春光早吟對梅花未寂寥公稿甚

多諸體各錄一二首嘗與腐者詎在多乎

興國吳國倫號川棲與宗子相友善余在蜀得其鄉人
所傳教首登滕王閣云崔嵬古閣大江頭多病登臨
屬暮秋窓際白雲吳楚合波間赤日古今流山川不
盡孤臣淚歌舞曾聞帝子遊萬里烽烟迷北望渾如
王粲在荊州送金蘆泉之開封別駕云年少凌雲賦
已工微名亦忝故人同那知駿骨來燕市只似蛾眉
老漢宮一日君恩黃綬重三川行色佩刀雄君今莫
惜逢時晚龐統猶能起治中登小姑山云楚家望高
秋色濃白雲隨杖入芙蓉九江落日迷山寺萬里寒

清響石鍾古閣凌空愁過鳥輕帆帶雨挾飛龍俯看
天塹雄南北何事中原有戍烽謝人送菊云彭澤歸
來遲歎荒病懷蕭瑟度重陽忽看紫菊移仙署遂使
秋英艷草堂杖屨簷憎髻短香隨卮酒助吾狂廊
中甘水能分飲豈必携家住谷傍舟中望瀑布泉云
傍棹看懸瀑蒼波十里寒玉龍飛不去銀漢瀉猶殘
響落層雲裡陰浮萬樹端幽懷一以愜好是使君灘
宗集已布海宇而吳詩所見僅此其軒輊具隻眼者
當能辨之

王國光號汲泉山西陽城人官比刑侍能為史記文書

詩復逼杜曾記其一聯云妓舞竹枝嬌不起客呼桑
落醉還醒情景宛然于十四字惜不能識其全耳予
選萬川公贈詩云夔府孤城鳥道懸萬民歌舜侯虞
絃清時赤縣堪行素甘雨隨車沃錦川瞿塘雪浪一
輕舟不是尋常為宦遊玉壘錦江多攬結青袍肯誤
釣魚舟此首蓋知予少宦情也一識荊州喜不勝楚
騷湘賦歎多能莫言蜀道難為客漢世風裁重李膺
席間援筆即成而情景才學俱備三晉名流如公者
恐不多得

宸濠初肆惡時禽獸俱懸銅牌于項一鶴入市為民家

犬所傷梓牧卒質之官公僉憲批鶴雖帶牌犬不識
字禽獸相戕於人何事語含譏嘲而理法亦盡

岳正號蒙泉致仕戲作云五十年来謝世紛百年芳逸
喜正分不應又受先生號去與青山管白雲

成仁卿者公安邑庠生以詩文出入公卿間名久在耳
而未面也壬申元旦偶隨提戎過萬寄予詩云岐路
勞歌三峽度提封歡領萬家同歲分栢葉青尊裡春
入梅花盡角中棠國今名今日晤桃源仙景故園通
客辰因藉陽和布願取辛盤獻漢宮又除夕呈郭提
戎云百年勝節又除夕千里浮踪仍薄遊江上梨尊

此客舫城頭歌管誰家樓西川元帥好相待南國故人能共酌不用桃符與爆竹醉來含笑看吳鉤餘詩尚多不能悉志

武陵龍太渠翁和陳朗溪翁韻云莫把島名愧老夫馬牛隨意任君呼棲遲南省官何補搖落西風病未蘓謀拙繭絲還保障憂深廊廟共江湖傳岩聞却調羹手當寧思賢夢到無翁先鑒河汾山丁邠夏蛟出塋畔黃凌鶴文學作騰蛟篇期其諸郎孫翁和篇云禹門變化何神通直看海嶠如碧空神蛟鼓鬣六伐頃奮身已在層霄中江頭環立人爭識隱々雲端入還

出須臾浪湧鯢鯢隨星散一驚霹靂隣翁說向事最
奇居時霧雨時紛披虹光照耀盡林薄久疑神物潛
天地詰旦尋踪溯湘渚緡草豐碑通亭宇絕無暴厲
遏荒丘祇沃焦枯需甘雨見孫濡化鯉堂前騰蛟兆
協然未然馮仙養龍合隨去流奇文海徵瑤篇二作
皆和韻而不為韻束真老法家手也龍公常翔霄

餘姚謝本齋遷勸學歌云聞君入試不得意怒髮衝冠
致成疾餘姚雖有好良醫相顧終朝不能治我昔曾
經害一場傳得千金不易方因便抄錄寄同志倘若
得効無相忘洙泗曾論語齊梁真孟子曾參大學章

孔伋中庸理加上聖經只六味更添子史十七粒宣
州石硯香麻油鳳陽烟墨蘭蓋筆放在明窓淨几中
煎熬晝夜莫停功切忌陰人未觸汚不妨君子頻相
從慢：嚼細：服：過三冬顏如玉可以平步上青
霄可以坐享千鍾粟遺得渣滓莫傾棄番與兒孫再
煎服此方屢服屢有驗故為知音不少輕秘此篇可與
唐狀元勸世文作對為刻

武陵陳朗溪翁刻額面局題其上云面無垢日洗之心
有垢人不思吾云洗面先洗心湯銘教語為嚴師洗
心不洗面：澤心坦夷洗面不洗心人掩天難欺願

將洙泗源頭水洗盡人心渣與滓

許少華宗魯西京妙才也由翰林兩督楚學政乞養得
體成就甚多過桃川晉詩六首詞翰並絕其秦人洞
探菖蒲方竹有懷^南張子云雲間龍種竹石上虎鬚
蒲九節飛騰具三英餐食需提携辭澗道悵望想蓬
壺欲辦靈仙品煩看博物圖后見其集中作擬要有
羅衣裳四絕云要有綠綺琴經年不曾鼓開囊為君
彈哀怨不成語要有碧玉簫高樓弄明月吹作憶君
吟相思兩愁絕要有金雀鏡光華射人冷挂向綠窓
前照見孤鸞影要有白團扇披拂長在手一自秋風

生棄捐今已久閨中吟云描盡含風艷荷花沁水香
閑揮團扇影驚動彩鴛鴦獨向青燈坐燈花落更開
終宵傳喜信不見故八來竹屏詩云山人種竹結為
屏當戶環琅函箇青玄圃風毛真瑞世萬陂龍種舊
通靈不須綵繪芙蓉列用何豪華孔雀停春雨兒孫
森似玉歲寒高節照門庭蕙樓云樓上氤氳蕙草香
芳干紅萬紫避春光朱欄曲引光風媚翠葉輕含暖
霧香莫使梁間巢燕子直須牕下綉鴛鴦仙人最愛
樓居者始信蓬壺日月長此必為妓者咏公注但詩
律精妙而筆法尤逼鍾王桃源洞扁刻真兩絕也

京山王虹塘諱宗茂咏昭君云長袖非堅甲剗釵豈利
兵驍貅空百萬用妾長作城

曾於郵壁見戎婦吟云一戍蘆龍十度秋間關百戰未
封侯朱顏收恨夫君誤堂上翁姑更白頭不知作者
誰氏也讀之潸然數行下矣

一詩僧咏漁翁尾限天字韵云籃裡無魚欠酒錢酒
家門外繫漁船幾番欲脫蓑衣當只恐明朝是雨天
客有贈一仕宦者小畫三樵夫方出門其妻在門內喚
之樵夫回顧題其上云老婦喚翁住聽歸來須是
擔頭輕昨宵雨過蒼苔滑莫向巖岩陰處行規諷之

意微矣

元末時兵亂隱居者多詩會自娛曾見月泉吟社首列
羅公福春日野興詩云老我無心出市朝
哀風林壑自逍遙一犁好雨秧初種半畝閑雲葉自澆
牧犢晚耕雲外隴聽鶯時立柳邊橋池塘見說生春草
已喜吟魂入夢招此詩惟穩妥有蘊黃風卷中皆不及之
品者亦具隻眼矣

劉洞衡在彰德道中贈大洲閣老歸蜀一絕云攬轡漳
河急看流層臺零落草空秋岷峨一片眠雲石拂袖
猶堪望帝州此詩足壯大洲行色矣

一瓢牛薺耕不知何許人善畫龍七十餘矣多寓荆澧
之間一詩云磨快鋤頭挖苦參不知山下白公深多
年寂寞無烟火細嚼梅花當點心又一聯云櫓聲呶
啞拖江響螢火高低隔岸焚皆無烟火氣

昔人夜過嚴陵詩云君為功名隱我為功名未羞睹君
家面黃昏過釣臺

宋海翁題老子青牛圖云函谷關西幾度遊至今紫氣
未全收青牛老子頭如雪莫笑山人浪白頭清明即
事云寒食東風草色新壘壘高塚臥麒麟可憐泉下
千年骨曾作提壺拜掃人

乙丑歲澧陽龔車渚天申劉洞衡崇文南旋曉過襄陽
習家池劉歆馳車騎往眺之龔謂時太早恐門鑰未
啓口占云忙裡尋幽溪水西朝雲深鎖習家池亭臺
只尺無由到孤負劉郎覽勝詩已而果然

龍渠陽襄陽懷古云習家池上酒峴首山頭淚生后百
年思生前一日醉有抑揚軒輊意太渠季子名德乎
李空同謂唐人律詩當以崔灝黃鶴樓為第一何仲默
以沈佺期獨不見為第一楊升菴兩是之升菴在滇
選空同詩以朱遷鎮一首為第一今錄于此俟知言
者辨之水廟飛沙白日陰古墩殘樹濁河深金罍痛

哭班馬歸地鐵馬驅馳報主心
入夜松杉双鷺宿有時
風雨一龍吟
經行墨客還詞賦
南北凄凉自古今

江西安福彭氏科目極盛其祠堂中對聯云
半壁宮花
春燕罷滿林牙笏早朝回吁盛哉

夷陵黃陵廟題詠甚多惟蜀人張景賢集杜云
自笑狂夫老更狂
青春作伴好還鄉
扶持自是神明力
一夜水高三尺強

夔府二門石碑鐫慈母石歌郡守張公廷栢序云
瀘州江邊有石名慈母石上有歌不傳名氏予復刻于此
巖石江頭峻如壁
舟人指為慈母石
慈母石名未不可

問崦嵫屹立秋江碧我聞慈母名起我父母思人有
父母詎不思我思父母徒傷悲憶思我童穉時家貧
逐日面生資父母衣我分寧自寒父母食我分寧自
飢然薪與我代燈燭鬚髮與我延良師朝夕撫我俾
勤學戒我勿似庸常見況我生命苦多疾父母提携
延歲月一朝我病忽呻吟父母咿嗚面如漆有時為
我祝神祇願我早著緋藍衣是時我心長戚：願如
孔子言無違嗟：我生命何蹇少年不第：已晚使
我父母已老死食不飽衣不暖我今身為一命士
薄俸堪將奉甘旨父母已去掩荒丘薄俸難將飽妻

子幾回舉筋食腥膻點：不知双泪連收泪還將酒
盃覆酒盃不到音容肅慈母石世稀有汝在江頭名
已久我思父母不能養恨：當同汝不朽嗚呼罔極
恩難報而今賴有移忠孝行當竭力事吾君庶可揚
名酬二親此歌句意雖淺而能盡人子之情讀之可

與陳情表同淚矣

寧海葉內山煥云作者羅適由甲
科官提刑乃其鄉人

二臺崔公云國初涪州一布衣徵入朝試晚菊詩云佳
節幽香不應期可憐寂寞在東籬淵明去後無人賞
從此黃花放得遲遂授府倅

解縉紳吉水人洪武永樂間皆為侍從天才敏捷

成祖行春乘輿已駕召縉索詩甚迫紳口占云青皇勒
馬要詩篇杜甫詩中借一聯金勒馬嘶芳地草玉樓
人醉杏花天

成祖索殿中對紳應聲云古詩一聯日月光天德山河
壯帝居此二詩對雖借古人皆天成也又聞一大臣
先夕夢人語以禮樂征伐自天子出好對流連荒亡
為諸侯憂次日

成祖果舉首句以問郡臣索對大臣在班首尤未及對
紳在後先厲声云、舉朝驚異一日

成祖召紳語云昨夜某尚書得喜可作詩賀紳應云

天公昨夜降奇童 上云非男女也化作姮娥下月
宮 上云死矣紳云想是世人留不住 上云付之
壬癸紳云翻身跳入水晶宮詩雖淺俚然不經思索
方諸七步擊鉢之速何多讓乎

江西宸藻之變孫許二公死焉後為建二忠祠往來題
咏甚多聞一儒生詩止記後四句云黃雲紫霧群鴉
散白日青天雙鳳飛拜吊書生奠何物汨羅卮水首
陽薇大為士林傳誦云

予邑桃川宮有避秦洞往來多留誅近日張東沙時徹
一律詞翰俱擅場云白雲深處即仙山石室珠林尽

日閑隱士空留丹灶穴。漢郎曾叩白雲關。滿天風雨
客初到。遠徑烟霞鶴未還。欲問隱淪無處所。隔溪流
水自潺湲。溪後見芝園集。摠目止載桃源宮。而卷中
無此詩。豈遺其稿耶。抑為人所刪耶。

源荳公集李白送毛二酉翁遊桃川序。為一對云。花藏
仙溪。落英何許。流出水引。漁者春風。不知從來亦天
成可愛。

有題月桂者云。檻外花開月。紅一年十二度。春風老
天莫道無私意。私意分明在此中。寓意長遠。或有為
之言也。

湯陰縣武穆祠一聯云死忠已盡君臣義生氣時未死
母邦鄆縣孟廟對云鄆國魯斯文同一脉古今喬木
第三家

武陵龍渠陽題秦檜一絕云死後不須重鑄像生前元
已是金人意新而旨遠後過朱仙鎮改云無端三字
殺忠臣宋法翻疑酷似秦咲底祠前長跪者生前元
已是金人

金陵妓孺桂亭送人詩云交情何草、別思更悠、有
夢見郎面無書寄隴頭頻將別時淚化作江水流風
波不可散點、逐君舟金臺妓朔朝霞送人云秋風

風江上送君舟落葉江楓摠別愁解纜不知人去遠
凭欄尤倚夕陽樓彤管遺編載一妓送人春試不知
名楊子江頭春水生安排樓櫓送王孫明年三月長
安曉君聽傳臚妾倚門觀此三絕蘓小薛濤何代無
之也

松滋王相之前甲子解元仕終二守家居日者謁之書
其卷云遠謝君平顧草廬坐臨釣石語兼除短竿君
也逢生旺多釣春江幾箇魚又玄武門前早桂冠松
陰坐隱慶新惟短杆君也逢生旺一日多囊得幾盤
友人家畜沈石田題燕圖云湖水浸我戶烏衣風外輕

殊無累糧者亦有往來性情末二句義不知何似恐
亦用烏衣國事耳

嘗見九章算法內三百六十一口缸問君分作幾船裝

莫要多了一口莫要少了一口双此九、數也

用十

每船十口

道聽錄卷之二終

道聽錄卷之三

楚桃源沅南李春熙輯男譚圭梓

天下邑名者僻者西有盤屋用山曲曰盤水山曰屋山

水皆曲故名北有邯鄲成邯山名鄲盡也邯山所盡

也蜀有犍犄為邑有山似牛也鳳陽虹音關出

太祖所更徽州之黟音山西沁水音吾楚之鄢音如此

類者甚多若朝鮮音國本因日出名今誤讀如字者有之

姓氏希僻者令狐之令音林與律令之令音同鮮于之鮮音

長蜀人有單姓鮮者音同遜之為歐必有所避而去

其欠也苟之為構醜其音也度之從尺音義皆與度

同此乃漢姓若長姓則不勝紀錄矣

吾即龍岩胡公爲題四老圖云誰將一幅剡溪紙塗抹
曰老忘年齒一老仰面看天一笑後首察地理一老垂
簾調離一老屈指數甲子我叩四老意何爲相顧無
言咲而已嗚呼四老我已知兩儀二才瞬息裡

劉釣河侃京山人官蜀大叅過萬縣吟云石徑迢迢百里餘
楊日送征車綠陰滿地橐駝去誰解重翻種樹書
行行漸轉入林霏雞犬人家滿翠微可雪不寒春事早
竹籬新墮籜龍飛到處青山瀑布痕常時風雨嗽雲根
寒流細瀉枯腸潤輪尔村翁樂灌園細柳葉黃夾路蹊
深山百轉日輪西村烟不斷水声活吞豆花開欲滿蹊

又秦嶺謁懷昌黎祠五言云忠誠天地識夫子古來
聞恨尔藍關雪不如衡岳雲昔人謂行不高里路者
不可讀杜詩全謂不入蜀者不知此公教絕之妙

陽明先生十一歲隨其祖過金山賦詩云金山一點大
如拳打破維揚水裏天醉倚妙高臺上望玉簫吹徹
洞龍眠又賦藏月山房云山近月遠覺月小便道此
山穴于月若人有眼大如天還見山小月更濶奇哉
真驚人語也

王充論衡殊甚遠識奇論而淺近迂謬且其詞致繁復
真謂刺々不休者令人披閱寡所啓迪蔡中郎愛而

秘之豈當時挾書之律如^初弛如此作者不可多覲卦
又其文全勿類漢人語豈好事為之非出王口而入
蔡目者耶

都下一友謂予云成化間陳白沙莊定山章楓山俱應
南宮試考官入簾相囑云場屋中有此三人閱筆不
可苟遽填榜一半章莊俱高列惟無陳亟令索卷則
陳已在下第其破老者安之三句云々各有其等聖
人等其等同考者批其旁云若要中進士還須等一
等見者哄堂陳遂飄然歸不復應試矣

余常扶箕仙降李太白題咏甚富一夕方山李子醉甚

惟以詩質仙即次來韻招之云枝頭梅子半傳黃看
劍論詩引興長請仙題首逢來上却咲君吟醉裡忙
方山遽起限曾登能三韻求咏箕動如飛畧不停思
云為報西樓掃洒曾誦仙還向醉中盡百篇斗酒聊
乘興借問方山能不能又次韻云驛路忙于箭溪山
雨似麻橋危回瘦馬村晚集寒鴉借榻馱僧戶提壺
剛酒家篝燈聊獨酌半醉摘梨花此類多不能悉理
外之理雖知者不能辨也

陽明先生赴謫龍陽驛過常武醫士杜仁甫携其復春
卷謁之首見道林蔣公一詩云安排必定非由我變理

從來提屬人堪數世人渾不解九還丹裡者偷生

先生驚曰此人有志十分端確者及見其人謂其間齋
翁曰如將么便可作廢子矣此公鑒識非人可企

張甬川邦奇督學涖常武夜坐問諸生曰月中黑歷曆佛

經云娑羅樹儒書云大地山河之影畢竟孰是閻齋箕
公元亨對曰以生意二者俱非特太陰之渣滓未化耳
張大歎服道翁將屬續門生有問二程濂溪優劣者翁曰
此非吾輩所敢輕議但觀濂溪云公于己者公于人
未有不公于己而能公于人者便有強勉意思至明
道則云廓然而大公物來而順應則自然矣由此言

觀之所見淺深可知也何必論其優劣哉

又有問曾子啓手啓足如何見得孝翁曰曾子之意豈
為手足哉若曰手足如此心志可知矣當時孔門弟
子都仕季氏如子羔仲由不免殞身惟曾子不仕諸
侯亦不虧體保身之孝二言津々有味哉

道林公蔣信

呂涇翁拙在南太常署講五經義首說卷耳章嗟我懷
人寘彼周行謂文王方役周行上也下三章則云非但
行役且馬病僕痛矣則我常何如乎惟醉酒自遣耳
說燕々何以燕々起興翁曰燕春社來生子秋即去雖
未必詩人本旨而意新啓人談經者顧不常如是耶

于少保諫任河南方伯入覲詩云手帕磨菇與線香不
為民福反為殃清風兩袖朝天去免使旁人說短長
昔一士人及第友人屢訪之問者以赴飲辭友人留詩
云君王寵重龍頭選慈母恩深雀笑垂君寵母恩俱
未報酒如為病可重追其士析節遂成名儒

金會元達未第時宿妓館贈一聯云羯鼓詩成半吐猶
含前夜而探花人到忙開莫負上林春公至次年探
花及第殆對識哉

李西涯麓堂詩話中云渠郊祀宿齋泰壇夜憶尔雅九
鍾龍名令通詢諸朝士皆不盡識惟一正郎福建人

號博洽亦止舉六七因數記誦之難余曾過友人唐竹
墟齋中時有二童子在側方習對句唐因命取總亮對
類示余遂得聞其詳焉一曰蒲牢好鳴即今鐘紐之物
二曰徑行好訟即今獄門上所画三曰嚙下好負即今
碑座下物四曰睡眊好殺即今刀上吞口五曰後貌好
坐即今佛座下獅子六曰負鼎好文俗曰鰲魚即今碑
旁物七曰啞吻好風即今獸頭八曰嘲風好陰即今殿
角上走馬九曰因斗好音樂即今胡琴上刻獸
宸濠鐫白詩云黑髮叢中白數莖幾番鐫後又重生而
今白也由她白那得閑工與老爭

昔有士人曾夢中聞人語云青草池聯六、清後登第
使朝鮮其主請云聞上國黃河水遠三、山何以對
之士人偶思夢語連云貴邦青草池聯六、清北為
的對矣其主大服采時八王未就封外夷人入貢席
間出聯云琴瑟琵琶八大王一般頭臉館使對云魑
魅魍魎四小鬼各有肚腸

余鄉慎齋陳公言同辰友朱明山北山即中見一婦頗
麗坐炕榻中以袖自掩二公不得見全面已而朱陳
窺之始知為缺唇也朱剪書語訊之云多則疑多見
殆慎齋續之云君子於其所不知蓋句一時相傳靡

不嘉其善議

先生二字出論語曲禮孟子皆並稱至漢則裁孫先而無生宋人亦云姓名壓等呼先輩是也魯兩生曾生伏生則稱生而無先東方朔自稱東方先生相如稱烏有先生皆極尊之名矣子則三代而後惟周程張朱邵而其餘則惟以氏分人以先生為常而呼之為子則童稱且憤然矣吁江河之變亦至是哉

公者無為之德下王位一等者後人稱生祖父尊長為公唐人云不痴不棄不作阿家公南宋嚴挺之貶人呼為公曰非君家公又非田舍公何得稱公翁則婦

稱夫父為翁姑傳記中猶少載今人相謂行輩皆稱
翁近都下又易為老翁予鄉劉客來常面叱一友云
妻稱夫為老公老翁者老公之別名今見人皆稱老
公奉世皆婦人矣言雖戲浪良切時病

昔一夫婦相毆鄰僧入勸之夫逆重杖僧云訴縣云
署其狀云鎮江遜子并州刀楊州剪子淮安絲命僧
出僧不解叩一士人乃語之云打得還打得好聞者
捧腹不已

昔人夢得句云起來無事立閒階香霧襲人寒氣熏後
館試春晚以此作結主試者批云結若有神助知言

哉知言哉

說海中人虎傳云隴西李微皇族子登進士補尉江南
後以狂疾變為虎道過故人李儼時為御史道其生
平贈儼詩云偶因狂疾成殊類災患相仍不可逃今
日永牙誰敢敵當時声迹共相高我為異物遙蒿下
君已乘軺氣勢豪此夕溪山對明月不成長嘯但成嗥
大寶年事而詩語全不類唐豈宋元間好事者為之乎
江右一士人新修解飲燕中方伯都聞冬奉觴勸之時
一憲長舉一聯戲云手執兩盃文武酒飲文乎飲武
乎其人應声曰胸藏萬卷聖賢書希聖也希賢也代

巡舉盃邊飲云勸君更盡一盃酒又應聲與爾同消
萬古愁噫若人者殆解縉紳之流乎惜未傳其名也
離騷古賦之祖長楊子虛古賦之宗至唐體稍變猶為
近古宋事俳偶風斯下矣亦僅取其新聲秋聲嘉其
奇特雖非古體識者取焉猶三百篇選詩之變為近
律也若黠鼠蒼蠅皆童稚腐臭語而矇者列之古文
會編中直足傳笑耳昔稱登高作賦可為大夫如此
等賦惟堪驕閭舍泊職也華容孫仲可古賦序亦同
鄙識云

唐詩水牛浮鼻過沙鳥點頭行楊升菴鄙之至目同張

打油胡釘鉸張不知所出胡詩出自神投唐詩紀事
中所載數首皆楊集所無者英雄欺人亦是哉

常于北寺見一聯云五百年幸遇王者興千萬歲敬祝
聖人壽予亦集古句云君子大居敬而貴窮理學者
先器識而後文藝友人龍伯貞以為的對可傳云

予寓京師龍渠北巷二題小蘭云中山大將貽此二戈
取空効力麾下吾軍既張當念魏無知也江陵張九
山與予索馬簡云馬久不嘶多至蹄齧今日入部投
卷燭常為公副之便乞即付來予予回之云昔阮氏
子有車人有欲借而不敢言者亟令焚之小馬得與

朋友共白散無憾矣張每口誦于人

近得牛一瓢五言絕句云不到空亭久苔痕映綠蘿柴
門宜早閉風雨夜來多世爭久忘机百念如冰炭記
得舊船風雨芙蓉岬鳥道不堪行年深長荆棘桃
花開未開漁郎候消息現此數語風致可想見矣

曾覩一書忘其名辨念者甚悉云念者意念攸始故借
以名朔后十日之始也今用之末句誤矣予按韻

書廿

音疾二字

今下方添一直亦讀如念念廿二字混

用殆職茲矣又按州

音徽三字並

后于下增一重作世三

十年為一世也卅

音疾四字並

曾見仙詩云白雀飛來

卅雙此數字固易辨而念廿殊可異也

古篆籀體畫繁難至秦李斯作小篆陳邈作隸書已就
簡便說者以為舜文之獎昉于此至漢則又易為真
草行書後世又易為省文或借同音或止書邊旁甚
者萬之作万兩之作刃錢之作夕不知何始非特今
之各省同文常見宋坡墨刻萬思作万則宋前已然
矣國初顧尚書佐奏防詐偽凡數目字皆借畫繁難
增損者餘皆經籍中所有惟采捌二字止載之海編
陸季明長洲人題漂母祠云一針王孫尚有祠至今誰
水盡含思可恨三嘆君侯日不似千金報母時明皇

對奕局云笑對真妃。倚玉臺拈棋欲下意還猜肯先
一着移神算應料漁陽鼙鼓來二作皆有雋永之味
稱號之防自春秋戰國時有之如東郭先生東里子產
北門子之類至唐則杜少陵李青蓮雖有別號當時
尤未稱謂至宋為盛而尚止于士大夫間上自王侯
下逮與妓未有濫于今日者每一思之不得禁除之
術兩京諸省郡邑通市中技藝鬻卜慈標揭紛已極
可醜厭禁從此始亦去其太甚與先薄書正祭器意
乎近見宗子相六七子相寄贈惟以字或名或生或
官蓋亦假古作以復古道爾

對有用同音字者柳上鶯啼柳下漁翁停艇聽洞前雀
舞洞中仙子棄簪妙矣又獨木搭橋恰似一條扛
港損郭兩山督學吾省一對云黃州常得黃梅雨廣
濟羅田自無能對者聞陝省何大華許鈔二公皆官
提制歸同遊章臺訪妓宋公過一書生許公戲云汝
何得至此書生云某有一對二公能酬之即當設醴
脯不爾當大醉我許即促之以為易也生遂云微服
而過宋何許子之不憚煩二公相顧大笑云當共醉
汝矣嘗思獨木云云尤可對書生之聯限于成句兩
山之對拘于地名雖起趙巧對于九原恐不能也

今人謂作詩文無根據者云杜撰歷攷不知所出及訪
名流亦罕識韻府羣玉所載度撰者非此事惟朱晦
翁與陸象山論太極書有之無注釋志此以俟博雅
有何執着眼中誰跨楊州霍東家蝴蝶西家飛昨日花
開今日落有何執着龍可屠兮虎可縛莫論誰強與
誰弱去時見人歌舞地歸來黃昏喧燕雀有何執着
君若肯飲不辭杯我常典衣沽酒與君酌人生得意
常為樂有何執着江右人相傳云羅念菴閒居所傳
誦之可以窺先生胸次洒脫矣

蔡霞山好以俗語作破語云羊角粽狗頭粽東家送來

西家送破云以物之名，乎物因人之患，乎人

唐人詩有出韻者王建梁州歌云三秋陌上干霜飛羽
獵平田淺草齊錦臂蒼鷹初出按五花驄馬餵來肥
齊字不在微韻豈大家數不拘于小節耶

相傳先朝京中一公主將殯諸貴人舉祭將奠以空楮
投解籍云祭文也煩讀之紳啓塔輒朗誦云巫山一
畝雲峨嵋千丈雪上苑一枝花瑤池半輪月嗚呼雲
散雪消花殘月缺

酒令雖小技然亦有佳者宋蘇黃諸公并今賢棠言中
所載甚多俱不贅惟憶一二嘉者簪帝陸公卿飲岳

陽樓各舉花名云月、紅不是月、紅佳人天癸通
乃是月、紅一貴人云並頭蓮不是並頭蓮才子佳
人共枕眠方是並頭蓮又云呂洞賓舞曰、跳進跳
出、官人拋了子丟上丟下不及前矣

余友唐竹墟詩辛未春寓京邸有懷云人靜香消午夜
時曲欄徙倚動鄉思不知今夜湘江月照到桃花第
幾枝湘月有所指也

字謎如四字口四方十字在中央田由中甲字請君莫

思量

圖

兩人兩土兩箇口不論貧富家、有字

增

西、箇月字並

排寫莫作朋字猜

用

月字去、一直問君猜是何字

即

未寫

先丟一撇上也沒有點下也沒有點字片目字加二點

莫作貝字猜字賀貝字欠二點莫作日字猜字書語謎

外甥多似舅先舜之子不肖四把高几五箇人坐五又事物

謎大的少似小的小的多似大的大的不說小的小的

的事說大的註集有腳無手有面無口也吃得飯也吃

得酒食看時有節摩時無節兩頭冰冷中間滾熱暗

不正不是正是正是上些上些下些下些重些重些

輕些輕些接鉄面諸葛亮獨坐中軍帳安排八陣圖

只等張飛上姓若不打他又難為我若要打他先打

了我畢竟要打他頭打了我夜珍珠白小姐包纏

竹葉郎穿衣去洗澡上所脫衣裳補此數語皆新可資一嘆

承天曾省吾既確庵撫蜀謁黃陵廟詩暮上黃牛萬壑

陰俗稱黃牛廟中流孤月映蘭林江涵元氣浮荆楚峽湧

秋濤壯古今疏鑿有靈分帝力舟航無險荷神歆大

川一濟紓西顧寔寂魚龍驚夜吟廟中如此詩不多見

聞有謝人惠川扇者忘其名云蜀國佳人貽寶箑楚狂

持玩思悠哉峨嵋新月半輪出巫峽清風萬里來滿

上麾軍原妙算漢宮題怨自多才何時得遂趨承願

持向昭陽殿裡開或云易舒詒長沙人曾檢討

予邑西觀壁一方士書一詩云脚板愛雲水蓬山即上

山有人問天子從不到長安

陳白沙詩云蓋粥朝長白寺衣冠夜五原山三年
枕席何曾設一紙家書也不看此咏胡安定事足見
前輩苦學又一聯云花能勸酒誰禁得天不能歌人
代之有天地萬物一體意思

浙山陰張直前辛酉解元遊庠時與學者留詩萬松書
院且和云閒來隨處可投車借得僧房半榻餘蕉葉
雨聲詩夢冷蓮花燈影夜堂虛土人所福炁留狗山
半支更打木魚明日塵蹤又何地萬松蔭裡一肩輿
常道者見之有青蘊之誚督學抱愧黜張後獲復

遂發辭

辰川董僉憲翠山萬信君子也有疾已絕復甦云見閭
王乃寶慶唐鳳儀為都御史者門上大聯云是々非
非地冥々漠々天或云明々白々天可異也

喬三石世寧耀州人擣衣詩云城上秋風木葉稀城中
思嬾擣寒衣誰怜此夜腸空斷獨恨經年戍不歸
聲度隴雲傳雪嶺心隨關月到金徽相思更有殘机錦
願逐長安一雁飛公常督吾楚學政一日閱數百卷
試已即行賞黜毫髮不爽楚人至今服其神敏云

慈谿王午山應選謂予曰郭東野為冢宰袁元岑茅見

浴為左右侍郭戲云昨外國進二獸不知其名或云
是小猿或云是小貓袁良久云昨一內相進飲出一
扁命題予遂題云東郭草廬蓋訊郭為驢也元峯面多麻
高中主戲之云面上豆袁應云肚裏中亦前意云

余郡守樊松坪垣初主行一條鞭法郡人深便之時值
燈夕城中各張結錦棚于門旣而聯句龍氏一聯云
賦役一條鞭官民同樂科名三及第士舉聯登龍氏
舉人三德孝德謙姪言名士則數十人樊守聞之大
喜令錄以入

余赴萬川友人印少賓案贈詩云荆門西去萬川城秋

蒲羅塘江水平不用長牽催百尺錦帆風引月華明
萬言倚馬謫仙才玉陛新承 帝命來雲鎖陰岩幽
物伏青天白日掣風雷南山烟水北山雲竹馬兒童
近使君試向天生橋上望隨車甘雨正紛紛百年戶
教說文翁冠世才名賴有公從北英雄齊入穀品題
行見得人龍此公詩敏而壯與予賡和者實繁不及
盡志云

唐人詩有不及宋元者香山社數人是已宋人詩有類
唐音者曹翰一首云三十年前學六韜英雄常得與
時髦曾因國亂披金甲不為家貧賣寶刀臂弱尚

嫌弓力軟眼昏尤識陣雲其夜來庭下西風起羞親
圍花舊戰袍每一誦之不覺感發悲歌激烈豈獨老
將然哉

保寧張劍巖地部因談文戲遂舉其鄉一學諭周爵號
梅軒者好詼諧人稱同文一日同衆友至庠見鐫銘
匠被伽衆令誦一文周云既常武懼而于此又加謹
焉卿達任玉臺初陟浙憲長錢集任公云周痴子可
作一戲周云先生豈不以原士哉不久當以四方
之物供簿正又至市中見婦人纏足省其布短衆令
有言周云塵無大思之布少則不必塵矣又見一

人擔二猪行且哭衆戲之周云丹朱之不肖如此類
者甚多不可悉舉予聞之撫掌不己口捷之妙亦
至是哉

一浙友問予云冠者五六人童子六七人總是若干予
不能對渠笑云五六三十六七四十二總謂七十二
賢也此言意固巧矣何數亦偶合哉

崔二臺奇勲云昔一士人留一友同業于家晝謂妻云今
夕當入宿妻出一對云點燈登閣各攻書能對則入
士出告于友友密對云移几倚桐同玩月至夕假士
人狀入誦對成歡而妻勿疑也此覺乃愧而繼通巡

史至夜聞院中誦對句不已次日以叩諸生士泣然
訴之遂置友于法此與陝右儒生事畧同而情則慘
矣異哉

甯遠中急語令自東坡諸公已行之至今尤盛然語
雖多而亦易誦一友人舉二句云拆破葛布褲布
補破葛布布褲十二字聲牙殆甚席間無能免
觸者常謂試官難士子詎在多目附此以引
解頤

應城華公弘治中以少年登甲科鄉人傳其遊西湖
望岳穆武祠詩末句云我欲叩舷歌小海恐驚

風雨暗吳山小海寧兒輟耕諫吳人吊武穆作歌之
風雨輒作西湖志仇仁述詩亦用小遊事

方外一老道手持一瓢故自號一瓢涇州龔天中為作
一瓢說云一瓢道人咲談風月吞吐江湖等世態于
浮漚脫塵勞于苦海浪遊天下蹤跡太奇素善畫龍
每成輒題云牛舜咍作或曰道人姓牛乎道人曰呼
我以牛應之以牛安知予之牛姓乎不牛姓乎或曰
道人貌肖龍道人曰往予常夢登祝融峯現日出與
長蛟巨蟒戰于洪濤怒浪中是時不知龍之為我耶
我之為龍耶我知携一瓢作方以外人誰牛誰龍誰

予辨哉顧龔子曰予知我請次其說于瓢道人之跡
固奇而龔子之說亦奇并可為世外奇談道人自稱
足跡半天下而被一箇澧州把我牽住數年隆慶辛
未冬偶微疾興

華藻長子味一殿下索樞卧其中令數人舉于城外
普賢菴而逝竟不言其家世歷歷惟臨逝時謂龔子
不肖東園公云我去煩留一石于澧陽橋畔云方上
画龍道士一瓢之墓常有收予骨而歸者觀此則道
人雖寡世情而尤有首丘之思也書此以告觀者庶
相傳聞以無負其意云

余邑東一妓名海棠友人徐子生訪之留題云策杖尋
詩出郭東春風新試海棠紅我來若不留詩句只恐
人疑是杜公

姑蘇唐伯虎画陳兵憲朗溪景題其上云紅樹中間飛
亂雲白茅簷底界斜曛此中大古逍遙處難說于君
画與君觀其詩可以知其画矣

內江高太湖察任淵憲長過萬之湖灘留聯石壁云瀑布
懸崖滾千流飛白雪錦屏列障森萬疊架青霄或
疑疊從三日宜不知古從三日言決罪三日得宜新莽
謂三日太盛改三田名家用一字必有考証如此

隆慶乙丑夏遣友藝天中者南歸同蜀友數人荷夢于
黃梁祠壘意慮乃翁春秋高也夢中得一紙云乾坤
正氣永不老閭闔門前著緋衣題回道入贈壬中秋
推恩詔至乃翁壽八袞州守最齊韓公榮以冠服藝
謝之席間述夢中句韓守躍然云余閭闔人也豈余
之守遺翁之肩思神仙預知予八九年前耶即口
占一聯贈之云君恩千載奇逢夢徵閭闔親壽百年
並永慶錫甘郵奇哉

釋名詩
吳人

蜀中一訓導卒于鳳陽虹縣旅觀過萬志付單末粘一
簡題云宦路八千里孤舟泣二童所遊人怵惕免與

候繙同壬申夏新蔡書亨書二十字令人慘然不能讀
予在萬得一鸚鵡以寄源楚方伯公乃即公回以詩云
萬川遠過武陵源長夏檐前語更繁珍重主人相贈
意邇來學問已忘言學至忘言公之近養益邃矣哉
姑蘇人常談郡守新任一詩僧誦之守云山僧何事謁
王侯僧云大海終須納細流昨夜虎丘山上望一輪
明月照蘄州一吏云詩雖佳但所屬下邑甚多蘄州
二字太狹守云能易之乎吏曰不必易但于蘇州下
增等處二字即備矣此殆寓言以嘲胥吏者流耳余
嘗見此輩中有善詩多警語者不可以盡眇之也

孫龍潛諱中行嘉靖才子中人在楊林驛遇賈方廉出
顧中丞大字楊用修詩劄語贈二絕云遙聞高士卧
青冥落日軒車為爾停曾是楊雄門下客白頭仍守
太玄經楊雲奇字虎頭書前輩風流穩不如徵外復
從遺老見斐然雙壁照行車荅王使君律云雲霄侍
從憶仙班湖海飄零又賜環執紼頻年仍綠髻寥唯
到處有青山風塵萬事悲歌裡杯酒千秋睨睨閒更
羨郭中曹處蹕祇今白雪滿江關黃雀樓新成云飛
觀新從鄂渚聞高標仍得並蘭臺白雲忽自三湘起
黃鵠依然萬里回不斷雄風催作賦長留明月照衡

杯鷗洲春草年々綠千古何人解愛才此公詩甚富
全集將布海內矣

華容黎狀元淳年始衰且質朴初應試偶經章臺少年
潘孺妓大呼狀元黎公公占云獻罷長楊出郭行忽
聞花裏喚黎生狀元本是天生定先遣姮娥報姓名
次年果及第

貴合州鄒智弱冠發解市人爭睹之道塞全不能行公
口占云龍泉庵上舊書生偶竊三巴第一名世上許
多堆了事市人何用大相驚乃舅馮春谷衍贈之詩
云也可莊前舅送甥時孟無語獨閑情乾坤滿眼茫茫

病誰為扶持濟太平鄒北上過道訪冢宰王公恕王
見其年少問云此行定高第願聞其志鄒云愚志一
欲正文體一欲荐賢才王曰賢才為誰鄒云即公也
王勿答退謂人云此子發洩太早恐非遠到器次年
登第以言事謫吏目卒年未三十王公知人何異裴老
白士偉字用大潼川人分教予邑贈醫士何一絕云十
里仙源起瑞霞何號知君藥鼎有黃芽昨從洞口看
流水半是桃花半杏花此詩謝泉泉已選入詩抄
周穆王八駿馬其名不同廣記云驊騮馱耳赤驥白兔
挽渠黃駒盜驪山子又云赤驥盜驪白義渠黃驊騮

踰驗山子綠耳列子云右服駒音驎而左綠耳右
驂赤驥而左白音紫音主車則造父為御音商音周音
為右次車之乘右服渠黃而左踰輪左驂盜驪而右
以子拍天音人主車參百為御唐文宗曾奉商周二字
以問錢起云此穆王八駿馬中名臣生平但不識
此二字耳

謝臯泉名東山蜀射洪人刻選皇明詩抄予近得其詩
云老學於陵自灌園故憑阿段遠尋源何時夜浸明
蟾影幾樹烟籠白雀翻泓瀉上流紫舊鳩派分西澗
遶新軒栽花種柳真吾事弄水觀魚亦主恩贈僧云

為愛中書面壁靈千秋留得結趺形
團蒲束才還西寺折葦南溪又北
漢是處有家堪乞米清時無髮總
編丁
逃禪自昔名言在心會真如不讀
經又次華綠呈祥泰
宓子堂深綠萼芳秋高金粟遠傳
香誰携滿袖滿湘去
雀背天風萬里長公詩甚多此數
首皆可入詩抄矣

某蒲宗室貞湖諱多嬪寄澧陽

華蒲長子味一便面詩云南紀何
年郎第開麻源秋色
似平臺懷仙鴻寶凌雲起佩玉鷄
鳴閤寢圓高帝子
孫
貴孝王賓客長卿才江門短髮
惟疎放曾有
青藜午夜來此作何異唐音

味一自製小吟云池上雨新集芙蓉花已開獨憐雙屬
玉似伴野人來偶爾採藥還袖帶山中雲脫帽坐松
下麋鹿自成群蟬鳴山月吼野色清人心高枕石頭
外涼風吹遠林澗水流花出漁郎來問津殷勤相送
去莫引世間人向午步青郊日莫興未竭歸來倚庭
柯舉頭見明月我有太古音試向松間探空有鳥雀
飛林深人不到遊大通寺云寺隱芙蓉第一峯尋幽
暫得寄行跡堦流浴霍飛岩水窓接啼猿偃蓋松詩
客有時因月到禪房無日不雲封翠烟欲濕人衣袖
靜入江聲起莫鐘和人夏日閒興云霓靄霏微晚欲

晴窗雲射日照孤城小堂舊燕已數乳高柳新蟬第一聲
風過竹孫開故箨客歸童子亂殘杯擬將烟艇
隨樽酒萬頃波光醉月明味一好吟咏善大小諸體
書法所蓄經史子書圖畫充棟性尤嗜菊孝友人無
間言接賓客恂恂雅工若書生予自蜀歸曾一叩之
東平河間恐不是過也因數

明諸文獻殆麟趾之遺化哉

和唐音雖多然皆效顰與學少者惟劉洞衡多翻其案
殊覺新奇和洞庭醉後云君山聳蟬聲元不礙湘流
未須重刻却留認洞庭秋和秋下荆門云巫峽蒼

烟月空片帆東下逐江風。鰲湖只在飛鴻外，萬葉紅
蓮歌笑中。漢宮詞云：望斷瑤池，窈窕不回。嶙峋仙掌，倚
層臺蒼生盡望。金莖露，願見君王。乞一盃涼州詞：漠
漠黃沙四望閒。孤城迢迢黑河，山東風。肯棄龍荒地，每
對春來一度閑。過楚宮十二峯前，傷楚宮臺荒雲雨
下。江楓人閒樂事，皆成幻豈獨襄王是夢中。宮中詞
翠霧紅雲獨掩門。有時罷綉出瑤軒，貞心何用防鸚鵡。
花底含情相對言。五七言律佳者甚多，集已刻傳矣。
桂侍御榮都陽人。按楚時曾立石，眉山紀其鄉。李食憲者
過洞庭，風浪大作，舟幾覆。李指其行，詩口吟云：此

中若有民間物早向風波險處沉吟已風浪頓息此
與唐子方渡淮事同真仕途美談也

黃五槐廷美江陵人判湖州時署篆長興徐龍濟邀賞
牡丹分韻徐云蕭蕭微雨淨芳塵洛下名花掌上新一
靚傾城無衆色始知絕世有佳人仙衣乍破巫山
夢錦障曾專帝苑春鄂容如后今更少綺歌清夜莫
辭黷黃和云聞道秋江久避塵群芳共揖玉華新宮
中已悞多情事世上能看幾代人雲擁蛟綃傾漢月
草餘臺榭惜秦春使君莫續清平賦尚有長門結怨
類二詩詞俱麗而寓意各有所指

肇慶太守彭參號白泉安城人初署予已諭贈醫士張
載道絕句野情已許乾坤老國手能摹造化功幾度
春風江上望一林烟雨杏花紅

昔二國人相遇各言其國有大人一云吾國有人頭頂齊天足履
至地汝國有之乎一云吾國之大者異于是開口而笑上唇齊天下
唇至地身首未之見也此語視莊子二豎闕于海中事尤奇勝
一巡史按涖蘇州見草中眠翁仲及前疑而問之府判石人疑而問之府判
刺誤應云宦家仲翁巡史咲而口占云翁仲如何應仲
翁讀書全不用夫功難居林下懶憐問顧只好州蘇作
判通此與宋人如何得元解歸去學潛陶相類

武陵萬惜山公詩多口占畧不經意予僅得其三首則
甚精練採薪婦云何處採薪婦攜筐風日清毀巢憐
鵲乳掃葉與猿爭貞石留深坐空林怕獨行不應朱
戶女挑錦亦愁生高唐現云絕頂高唐現登臨亦快
哉雲依青嶂起江共白鷗來往事寧須問塵襟鬱未
開欲揮一盃酒作涓澆陽臺孤雁云孤雁今何遠滿
湘萬里歸影寒霜羽重情苦夜去微緇織專相待孤
蒲慎所依誰能不射宿勢必傍雲飛

予即于文徵號夢玄以雖守家居有五湖之興元夕每
泊予邑以詩邀源望公云元夕清懽殊未央花燈燦

漫紫微堂

新朝寤寐思姚采舊約迥逢有范張海

內文章欽大雅真前笑語任踈狂
渌蘿春色堪同賞佇望仙蹤到野航
人日山前積雲野老携酌過訪云
野老衡寒過洞天烹蔬行酒亦春筵
風林松檜不停語凍壑烏鶯相對眠
遙望窮簷愁積雪漫隨鄉俗說
豐年花源久約烟霞侶只待晴明上釣船
二詩清雅逼人豈亦得之遊覽所致耶

會稽沈鍊號青霞山人由甲科歷官錦衣經衛嘉靖中
論斬嚴氏十罪安置保安州為民時虜破應州堡殺
傷甚衆制帥巡史反縱軍士割生獻馘以邀功賞公

為詩諷之云割生獻職古來無解道功成萬骨枯白
草黃沙風雨夜冤魂多少有頭顱或勸云謹請人不
當為此語公又云今日割猶少後日割應多縱不割
我首割民傷如何又書秦檜李林甫嚴某名于鵠上
射之制帥聞于嚴遂誣公交通白蓮教誅叛處以極
刑公臨刑詩云宋室忠臣死吾應是後身誰知今將
相還是姓秦人嚴聞愈怒長子襄號小霞補州學生者
下獄必置之死未幾給舍與時來論劾制帥襄獲免
世宗崩遺詔赦言事者始放歸

穆宗時襄貢入京暴其冤疏入皆公光祿卿賜祭蔭其

李子來出塞收公道懿歸吳四洲臺省為建祠中
對聯云一代文章實傳治安堪並賞百年忠義岳公
名字可同刊惜劍上方驚賊權奸欺國膽遺書巾惆
悵寒窗帥喪師心浩氣凝春江國清芬流草木丹心
貫日海天晴色鹿雲霞忤時消節山河重愛國丹心
天地知山人王時送小霞出塞二絕云送君遠道信
淒然憶昔參軍事幾年萬里平沙秋色暗忠魂猶在
白雲邊直書朝上暮避荒孤憤猶將學補狂不用臨
觥重懷恨只今當道亦流亡王元美墓志銘曰為國
擎嚴不勝公徒為嚴擎公勝而公死公死不死神燁

輝者億百千祀嗚呼嵩乎蕃乎順乎椿乎死而死矣
此數言評公之斷案也忠臣孝子何代無之若沈氏
父子可謂無愧矣

襄陽任亨太初殿試時卷未啓封

高皇帝欲擢為狀元

馬皇后在旁問此卷當是南北人

高皇云當是不南不北人已而果然蓋襄陽郡與中州
接壤公詩不傳止廣西志至其湘江夜行云夜景虛
明眼界賒水天一色浩無涯雲中不見湘靈瑟江上
空迴漢使槎烈水照波燈射影銀蟾躍浪月生華櫓

聲嘔啞應無已驚起鷗羣迥逐沙

梁有譽字公實廣人與宗王諸公齊名嘉靖間登卒
故其詩不甚傳送吳祠部卜學貴陽云獻歲皇輅出
漢京南中鳥道入雲平遙經遠之浮湘處肯諫文翁
仇蜀名恋關夢縣春署月登高詩滿夜即城莫嗟萬
里風煙迥攬轡應憐報主情詩不刻意而興致流溢
假以數年詎止此哉